

PSB - Bahagian Arkib

From: Jabatan Hal Ehwal Akademik
Sent: Tuesday, 9 April, 2019 10:09 AM
To: UUM - All Staff; UUM - All Students
Subject: JOM MASUK IPT 2019: UUM SERTAI 6 ZON SIRI JELAJAH KARNIVAL JOM MASUK IPT.



JABATAN HAL EHWAL AKADEMIK
Academic Affairs Department
Collegiality • Communication • Teamwork • Respect
Universiti Utara Malaysia

09 APRIL 2019 / 03 SYAABAN 1440H

=====
"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

JOM MASUK IPT 2019: UUM SERTAI 6 ZON SIRI JELAJAH KARNIVAL JOM MASUK IPT.



HEA ONLINE: Karnival Pendidikan Tinggi Negara 2019 (KPTN) atau Karnival Jom Masuk IPT kembali menemui pelajar-pelajar di 6 lokasi di seluruh Malaysia. Karnival Jom Masuk IPT ini telah memasuki edisi ke 15 dan diadakan di beberapa negeri dan zon (Selatan, Sabah, Utara,Timur, Sarawak dan Tengah) di seluruh Malaysia bermula dari awal hingga hujung bulan Mac 2019. Majlis Perasmian Karnival Jom Masuk IPT ini telah dirasmikan oleh YB Dr. Maszlee Bin Malik, Menteri Pendidikan Malaysia di kampus UTHM Batu Pahat, Johor Darul Ta'zim pada 03 Mac 2019.

Program karnival ini adalah anjuran Jabatan Pengajian Tinggi (JPT) dan bertujuan untuk memberi peluang kepada orang ramai yang bercadang IPT dan Politeknik tahun 2019. Pelajar boleh mendapatkan maklumat terperinci berkaitan program pengajian yang ditawarkan oleh Universiti Awam (UA), Kolej Komuniti, Politeknik dan ILKA semasa karnival.

Pelajar-pelajar terutama yang ingin melanjutkan pengajian tinggi mereka adalah disarankan untuk hadir ke Karnival KPTN ini. Pelajar boleh berjumpa terus dengan wakil-wakil dari universiti dan kolej semasa pameran untuk mendapatkan maklumat melanjutkan pengajian, pembiayaan pendidikan dan syarat-syarat kelayakan yang diperlukan. Di antara manfaat buat mereka yang hadir ke karnival Jom Masuk IPT ini adalah seperti berikut :-

1. Mendapatkan maklumat mengenai institusi pengajian tinggi (IPT) di negara ini termasuk pelbagai program yang ditawarkan
2. Mendapatkan maklumat jelas berhubung peluang melanjutkan pengajian di IPT termasuk program ditawarkan mengikut kesesuaian kelayakan akademik seseorang pelajar.
3. Memberi idea dalam melanjutkan pengajian tinggi dan halatuju pengajian seterusnya
4. Memudahkan pelajar untuk membuat keputusan yang tepat dalam melanjutkan pelajaran ke peringkat yang lebih tinggi kelak.
5. Mendapat nasihat pemilihan program pengajian dari wakil IPT
6. Memperolehi maklumat lanjut berkaitan pilihan program pengajian yang diminati
7. Membuat perbandingan di antara satu institusi dengan institusi pengajian tinggi yang lain.

Menurut pelajar SMK Bandaraya Kota Kinabalu Nadhrah Izzati berkata, maklumat yang diperolehi di karnival seperti ini dapat membuka minda dan membantu pelajar di kawasan pedalaman Sabah dan Sarawak menentukan hala tuju dalam mengikuti bidang pengajian yang akan dipilih oleh beliau serta rakan-rakan nanti.

Selain itu, Puan Soubakeavathi Rethinasamy yang mana anaknya baru sahaja menamatkan Pengajian Asasi Pengurusan di UUM dan kini telah menyambung pengajian dalam bidang Undang-undang di Pusat Pengajian Undang-undang COLGIS berkata beliau amat berpuashati dengan kemudahan asas dan struktur pengajian yang disediakan oleh UUM serta persekitaran yang tenang dan menghijau yang menarik minat anaknya untuk belajar di UUM.

Majlis Penutup Karnival Jom Masuk IPT 2019 ini telah di rasmikan oleh Timbalan Menteri Pendidikan iaitu YB Puan Teo Nie Ching yang diadakan di MAEPS Serdang, Selangor yang mana tuan rumah untuk majlis penutup ialah Universiti Pertahanan Malaysia (UPNM).



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.